

Chino ta haya carta di felicitacion di Ministro Rudy Croes y Gobierno


Gobierno ta haci campaña politico cu nacionalidad Hulandes

ORANJESTAD (AAN) : Un documento cu a cay den brienbus di redaccion di DIARIO ta confirma un biaha mas ki maneho e gobierno actual ta hiba riba tereno di dunamento di permit na esnan di exterior cu ta bin Aruba, pero e forma con ultimo tempo gobierno ta haci wega politico cu te hasta paspoort hulandes ta duna hende azgo.

Si mester realiza cu algun dia pasa den fin di siman durante cu e buskeda di e mucha muher mericano perdi tabata andando, e ministro di husticia a cuestiona origen di esnan cu na prome instancia a wordo deteni of scucha door di polis relaciona cu e mucha muher mericano, anto awe pueblo mes ta haya documento pa wak con ministro di husticia ta midi cu dos midi.

Den fin di siman ministro di husticia tabata cuestiona cu comisario Van der Straten no mester a bisa na prensa internacional cu e tres personanan cu na prome instancia a wordo deteni tabata hendenan local pasobra uno tabata hulandes Europeo y e otro dosnan tabata di origen surnameo.

Cu otro palabra nan no tabata arubiano autentico of original manera den politica hopi biaha politiconan ta hunga wega politico cu sentimentonan nacionalista peligroso y nan no tabata tin e mesun derecho cu hendenan local.



E tres hobennan cu a wordo deteni no tabata tin nacionalidad Hulandes? Ki derecho e tres hobennan

ey tin compara cu esnan cu awor a haya carta di ministro di husticia y den cual nan ta haya e informacion cu entrante e dia ey nan a haya nan paspoort Hulandes?

Awe pueblo mes por lesa di e carta cu DIARIO ta publica, con ministro di husticia ta felicita un persona Chines (a laga su nomber afor pa motibo di anonimidad) cu e nacionalidad hulandes cu e Chines a caba di haya!

"Cu esaki entrante awe Bo por considera Bo mes como un Arubiano, pues cu e mesun derecho - y obligacionnan cu tur otro nan naci na Aruba cu e nacionalidad Hulandes".

Di con Chino si ta wordo considera como arubiano na momento cu e haya su paspoort hulandes anto tres persona cu paspoort Hulandes cu a wordo scucha door di polis relaciona cu e caso di e mucha muher mericano diripiente no tabata arubiano?

Esnan di origen surnameo, hulandes europeo y tur otro nacionalidad cu a nace na Aruba, sea di mama of tata di exterior, tabata sinti cu nan a wordo discrimina pa nan origen na momento cu ministro Rudy Croes a bay cuestiona kende si y kende no tabata un arubiano relaciona cu e caso di e mucha muher mericano perdi.

Awe pueblo mes por lesa e carta cu a wordo manda, door di ministro Rudy Croes y den nomber di tur su otro coleganan ministro, pa un Chines y esaki ta djis un carta di e cantidad grandi di hendenan di exterior cu recientemente a haya paspoort hulandes of permit pa por keda biba y traha na Aruba.

Campaña politico ta wordo haci cu nacionalidad Hulandes siendo cu e derecho pa haya nacionalidad hulandes no mester ta mara na politica of cualkier partido politico.

ORDO Y DEMOCRACIA!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



**Bicicleta
pa mucha
Afl. 125,=**